

NOTO'LIQ OILALARDA OILAVIY PSIXOLOGIK MUHITNI O'RG ANISHNATIJALARI

Babajanova Feruza Aminboyevna

Xalqaro Nordik Universiteti magistranti

Pedagogika va psixologiya yo'nalishi

Annotatsiya: ushbu maqolada noto'liq oilalarda tarbiyalanayotgan o'quvchilarning shaxsiy rivojlanishiga ta'sir etuvchi omillar o'rganiladi. Noto'liq oila tushunchasi, uning turlari va sabablari tahlil qilinadi. Shuningdek, o'quvchilarning psixologik holati, ijtimoiy moslashuvi, ta'limdagi muvaffaqiyati va shaxsiy sifatlariga ta'sir etuvchi omillar, jumladan, ota-ona yo'qligi, moddiy qiyinchiliklar, ijtimoiy qo'llab-quvvatlashning yetishmasligi va boshqa omillar ko'rib chiqiladi. Maqola yakunida noto'liq oilalardagi o'quvchilarning shaxsiy rivojlanishini qo'llab-quvvatlash bo'yicha amaliy tavsiyalar beriladi.

Kalit so'zlar: noto'liq oila, o'quvchilar, shaxsiy rivojlanish, psixologik holat, ijtimoiy moslashuv, ta'lim muvaffaqiyati, ota-ona yo'qligi, moddiy qiyinchiliklar, ijtimoiy qo'llab-quvvatlash.

РЕЗУЛЬТАТЫ ИССЛЕДОВАНИЯ СЕМЕЙНОЙ ПСИХОЛОГИЧЕСКОЙ СРЕДЫ В НЕПОЛНЫХ СЕМЬЯХ

Бабаджанова Феруза Аминбоевна

Магистрант Международного Университета Nordik

Педагогика и психология

Аннотация: в статье рассматриваются факторы, влияющие на личностное развитие учащихся, воспитывающихся в неблагополучных семьях. Анализируется понятие неблагополучной семьи, ее виды и причины возникновения. Также рассматриваются факторы, влияющие на психологическое состояние, социальную адаптацию, успеваемость и личностные качества учащихся, в том числе отсутствие родителей,

финансовые трудности, отсутствие социальной поддержки и другие факторы. В заключение статьи приводятся практические рекомендации по поддержке личностного развития учащихся из неблагополучных семей.

Ключевые слова: *неблагополучная семья, студенты, личностное развитие, психологическое состояние, социальная адаптация, успешность обучения, отсутствие родителей, материальные трудности, социальная поддержка.*

RESULTS OF THE STUDY OF THE FAMILY PSYCHOLOGICAL ENVIRONMENT IN DIFFERENT FAMILIES

Babajanova Feruza Aminboevna

Master's student of the International Nordic University
Pedagogy and Psychology

Abstract: *this article studies the factors affecting the personal development of students brought up in dysfunctional families. The concept of dysfunctional family, its types and causes are analyzed. Also, factors affecting the psychological state, social adaptation, educational success and personal qualities of students are considered, including the absence of parents, financial difficulties, lack of social support and other factors. At the end of the article, practical recommendations are given on supporting the personal development of students in dysfunctional families.*

Keywords: *dysfunctional family, students, personal development, psychological state, social adaptation, educational success, parental absence, financial difficulties, social support.*

Kirish. Oilaviy muammolar o'zining ko'p qirraliligi bilan alohida xususiyat kasb etib, jamiyat taraqqiyotini belgilashda, ma'nan barkamol, ruhan sog'lom avlodni voyaga yetkazish jarayonida ularning ijobiy yechimi katta



ahamiyatga ega. Agar har bir oilaning a'zolari o'z muammolarini hamjihatlik bilan, o'zaro kelishuv asosida hal qilsalar, oiladagi tinchlik kafolatlanib, uning ma'naviy asoslari mustahkamlanadi. Oilada er-xotin, qaynona-qaynota, kelin-kuyov munosabatlarida, fikrlar va qarashlardagi paydo bo'ladigan ayrim kelishmovchiliklar, qarama-qarshiliklar, ziddiyatlarni uni tashkil etuvchi shaxslar o'zaro kelishib, muammoni konstruktiv tarzda yechishga qodir bo'lsalar, oiladagi ijtimoiy-psixologik hamda ma'naviy muhit yosh avlod ongida insoniy munosabatlar to'g'risida ijobiy tasavvurlar shakllanishiga imkon beradi. Shu sababdan mamlakatimizda oila va uning tarbiyaviy imkoniyatlari milliy qadriyat sifatida e'tirof etiladi¹. Prezidentimiz Sh.M. Mirziyoyev oilada hukmron bo'lishi lozim bo'lgan ma'naviy muhit va noyob udumlarimizning xususiyatlari haqida fikr bildirib: "Bunda o'zaro hurmat va qattiq tartib bo'lmasa, oilaning barcha a'zolari o'z burchlarini ado etmasa, bir-birlariga nisbatan ezgulik bilan mehr oqibat ko'rsatmasa yaxshi va munosib tarzda yashash mumkin emas... O'zbeklarning aksariyati o'zining shaxsiy farovonligi to'g'risida emas, balki oilasining qarindosh-urug'lari va yaqin odamlarning, qo'shnilarining omon-esonligi to'g'risida g'amxo'rlik qilishni birinchi o'ringa qo'yadi. Bu esa eng oliy darajada ma'naviy qadriyat, inson qalbining gavharidir", deb ta'kidlaganlar.

Noto'liq oilalar jamiyatning ajralmas qismi bo'lib, ularda tarbiyalanayotgan o'quvchilarning shaxsiy rivojlanishi o'ziga xos xususiyatlarga ega. Ushbu o'quvchilarning psixologik holati, ijtimoiy moslashuvi va ta'limdagi muvaffaqiyati ko'plab omillar ta'sirida shakllanadi. Ota-ona yo'qligi, moddiy qiyinchiliklar, ijtimoiy qo'llab-quvvatlashning yetishmasligi kabi omillar ularning

¹ Temirov A. Muammoli oilalarga psixologik xizmatni tashkil etishning o'ziga xos jihatlar. Международный научный журнал № 1(100), часть 1 «Научный Фокус» май, 2023. 1176-1180 бб.

shaxsiy rivojlanishiga salbiy ta'sir ko'rsatishi mumkin. Shuning uchun, ushbu o'quvchilarning shaxsiy rivojlanishini qo'llab-quvvatlash jamiyatimiz uchun muhim vazifalardan biridir. O'zbekiston Respublikasi Prezidenti tomonidan noto'liq oilalarda tarbiyalanayotgan o'quvchilarning shaxsiy rivojlanishini qo'llab-quvvatlashga katta e'tibor qaratilmoqda. Jumladan ijtimoiy himoya tashqil kilingan bo'lib bunga namuna tariqasida: "Temir daftar", "Ayollar daftari" va "Yoshlar daftari" orqali moddiy yordam ko'rsatishni aytishimiz mumkun. Va o'z navbatida ta'lim sohasida ham katta imkoniyotlar berilgan: Bepul ta'lim, stipendiyalar va grantlar ajratish. Kasb-hunar ta'limi markazlarida bepul o'qitish. Yoshlarni IT sohasiga qiziqishlarini oshirish maqsadida IT markazlari tashkil etildi.

Asosiy qism. Magistratura mutaxassisligi ikkinchi bosqich talabalarining stajirovkaini to'g'ri tashkil qilish bo'lajak yosh mutaxassislarni real ishlab chiqarish sharoitlariga, ilmiy-tadqiqot va ilmiy-pedagogik faoliyatga tayyorlashning muhim shartlaridan biri hisoblanadi. Shu boisdan o'z bilim ko'nikma va malakalarimni amalyotda qo'llash va ilmiy - pedagogik faloliyatimga tayyorgarlik ko'rish, uni amalga oshirish, o'quv - metodik ishlarni tahlil qilish, natijalarni baholash bo'yicha ilmiy- amaliy ishlar oilb borish maqsadida Toshkent shahar Sergeli tumani 266-sonli umumiy o'rta ta'lim maktabi stajirovka olib borildi. Stajirovkada noto'liq oilalarda tarbiyalanayotgan o'quvchilarning shaxsiy rivojlanishiga ta'sir etuvchi omillar o'rganildi va buni anqilash uchun V.V.Boykoning "Oilaviy psixologik muhitni baholash metodikasi boyicha 30 savollardan iborat bo'lgan so'rovnoma otkazildi.

Tadqiqot davomida V.V.Boyko tomonidan ishlab chiqilgan "Oilaviy psixologik muhit"ni baholash so'rovnomasi asosida 70 nafar o'quvchining oilaviy

muhiti o'rganildi. So'rovnoma natijalari asosida olingan ballar 60–89 va 90–119 oraliqlariga to'g'ri keldi.² Eng past (30–59) va eng yuqori (120–150) ball oralig'ida o'quvchilar qayd etilmadi. Ushbu natijalar asosida quyidagi umumiy xulosalarni chiqarish mumkin:

O'rta darajadagi muammoli muhit keng tarqalgan (44.3%) 60–89 ball to'plagan 31 nafar o'quvchi oilaviy muhitda hissiy qo'llab-quvvatning yetishmasligi, befarqlik yoki e'tiborsizlik mavjudligini ko'rsatdi. Bu holat bolaning shaxsiy rivojlanishiga salbiy ta'sir ko'rsatadi, moslashuvda qiyinchiliklarga olib kelishi mumkin. Shoshilinch psixologik aralashuv bo'lmasa-da, ijtimoiy-psixologik yordam va ota-onalar bilan ish olib borish zarurligini ko'rsatadi.

Qoniqarli, ammo barqaror bo'lmagan muhit (55.7%) 90–119 ball to'plagan 39 nafar o'quvchi qoniqarli, lekin ideal bo'lmagan oilaviy sharoitda ulg'ayayotganini ko'rsatdi. Bunday bolalar ijtimoiy jihatdan moslashgan, lekin doimiy hissiy rag'bat va e'tiborni talab qiladi. Bu holatdagi oilalar bilan muntazam psixologik suhbatlar, tarbiya bo'yicha maslahatlar orqali yanada barqaror ijobiy muhitga erishish mumkin.

Ekstremal darajadagi muhitlar qayd etilmagan (0%) 30–59 yoki 120–150 ball oralig'idagi o'quvchilarning yo'qligi bu guruhdagi bolalar tadqiqotga jalb qilinmagan bo'lishi, yoki mavjud muhitlar o'rtacha va normal darajada ekanligini bildiradi. Shu bilan birga, ideal psixologik muhitda ulg'ayayotgan o'quvchilarning yo'qligi bu muhitning yetishmovchiligini anglatadi, bu esa oilaviy madaniyat, tarbiya uslubi va hissiy muloqotga bog'liq.³

² Yadgarova G.T. Noto'liq oilalarning ijtimoiy-psixologik xususiyatlari: Dis.psixologiya fanlari sifatidagi. 19.00.05. – T.: 2004-yil.

³ Djalolovich, R. J. (2023). Nikoh-oila munosabatlari Shakllanishining ijtimoiy-psixologik xususiyatlari. Barqarorlik va yetakchi tadqiqotlar onlayn ilmiy Jurnali, 3(3), 473-477.

Oilaga psixologik xizmatni tashkil etish konkret oila muammosining konkret vaziyatga bog'liqligi bilan belgilanadi. Qo'llaniladigan har qanday usul psixologning kasbiy mahorati, muolajani qo'llash shart-sharoitlariga bog'liq bo'lib, vaqtli qimmatga egadir. Shuning uchun ham oilaviy munosabatlarning psixokorreksion dasturini aniq tuzish kerak.

Ushbu yondashuv uchun oiladagi katta yoshli a'zolarining o'tmish tarixini jumladan, ular ontogenezning ilk bosqichlarida boshdan kechirgan, anglanmagan xohish-istaklari, psixologik muammo va o'zaro proyeksiyalarni tahliliga e'tiborning qaratilishi bilan ahamiyatlidir. Bunda ayrim oila a'zolarining o'tmishidagi yechimini topmagan muammolari bois, hayotga adaptatsiyasida dekonstruktiv usullarining paydo bo'lganligini anglashi – insaytga erishishga katta o'rin beriladi. Ushbu metodning qo'llanilishi nafaqat psixologdan balki, oilaning barcha a'zolaridan sabr-toqatlilik bilan ko'p vaqtni talab qiladi, bu iqtisodiy jihatdan unchalik maqsadga muvofiq bo'lmasa-da, ammo juda samaralidir. Sistemali va strategik yo'nalish. Sistemali yondashuvdagi ushbu ish bir tomondan tarbiya tipi, o'zaro harakatlarning xarakteri, muomala maromiga asoslangan shaxslararo munosabatlar va o'zaro determinatsiyalashgan shaxs to'g'risidagi yondashuv, boshqa tomondan esa oila a'zolarining individual xususiyatlari bilan uzviy bog'liq bo'lgan gomeostatik sikl tarzida yopiq holda tashkil etiladi. Ichki oilaviy o'zaro harakatlarning mustaqil birikmasida turli subsistemalarni ajratish orqali oilaga yaxliq tizim sifatida qaraladi. Oila subsistemalari avlodajdod, jins, qiziqishlar, er-xotin, ota-ona, bola-bola, bola-ona, bola-ota, bolalar uy hayvonlari va boshqa omillarni o'z ichiga oladi. Bir individning o'zi bir necha oilaviy subsistemaga tegishli bo'lishi mumkin. Sistemali yondashuvga asoslangan



psixologik korreksiyaning amalga oshirish bir nechta bosqichlardan iborat. Oilaviy diagnoz deyilganda, oila a'zolarining individual-psixologik xususiyatlarini hisobga olgan holda oilaviy munosabatlar buzilishini tiplashtirish tushuniladi. Oilaviy diagnostika muolajasining xususiyati to'ppa-to'g'ri va streoskopik xarakterga ega. Agar korreksion ishning barcha bosqichlarida diagnostika qo'llanilsa, bevosita muolaja deyiladi. Streoskopik oilaviy diagnostika deb, oila a'zolaridan olingan axborotlarni to'ldirish va qiyoslash maqsadida oilaning bir a'zosidan olingan ma'lumotlar bilan o'zaro uyg'unlashtirishga aytiladi.

Nizo ishtirokchilarining har biri bilan ularning emotsional ta'sirlanishiga ko'ra, oilaviy ziddiyatlarning ildizlarini aniqlash va ularni klassifikatsiyalash oilaviy ziddiyatlarni bartaraf etish bosqichida amalga oshiriladi. Oilaning dolzarb muammolari muhokamasini yo individual yoki yaqin qarindoshlaridan biri, yoki guruh tarzida tashkil etilishi oilaviy munosabatlarning rekonstruksiya bosqichida olib boriladi.⁴ Quvvatlovchi (qayd qiluvchi) bosqichda rol xulq-atvor repertuarini kengaytiruvchi va empatik muomala ko'nikmalarini mustahkamlash real hayotning tabiiy oilaviy sharoitlarida tashkil etiladi. Oila bilan korreksion ishlarni tashkil etish va uni amalga oshirish bir qator omillar bilan belgilanadi. Oilaviy psixokorreksiyaning eng optimal usuli bu - oila a'zolarining individual xususiyatlariga asoslanishdir. Ko'plab psixologlar o'zlarining amaliy faoliyatlarida psixokorreksion usullarni tanlashda o'z tajribalariga, ilmiy yetuklik va shaxslilik xususiyatlariga ko'ra, ish yuritishga harakat qiladilar. Afsuski, bu har doim ham o'zini oqlamaydi. Zero, har qanday usul (texnika) o'z quroliga ega. Qurolning

⁴ Z.T.Nishanova, Sh.T.Alimbayeva, M.V.Sulaymanov "Psixologik xizmat" darslik, Toshkent – 2014.

qimmatini uning qanday qo'llanilishi va aynan kim (qaysi mutaxassis) qo'llashiga bevosita bog'liqdir

Xulosa. Olib borilgan stajirovka davomida noto'liq oilalarda tarbiyalanayotgan o'quvchilarning shaxsiy rivojlanishiga ta'sir etuvchi omillarni o'rganish maqsadida V.V.Boykoning "Oilaviy psixologik muhitni baholash metodikasi" bo'yicha o'tkazilgan so'rovnoma natijalari shuni ko'rsatdiki, o'rganilgan 70 nafar o'quvchining 31 nafarida (44,3%) emotsional qo'llab-quvvatlashning yetishmasligi, ijtimoiy moslashuvda qiyinchiliklar kuzatilgan va ular psixologik yordamga muhtoj. Qolgan 39 nafar (55,7%) o'quvchida esa oilaviy muhit nisbatan qoniqarli bo'lsada, ularning ham doimiy hissiy qo'llab-quvvatlashga ehtiyoji borligi aniqlandi. Ushbu natijalar maktab psixologlari, pedagoglar va ota-onalar tomonidan noto'liq oilalardagi o'quvchilarga ko'proq e'tibor qaratish, ularning psixologik holatini yaxshilash va shaxsiy rivojlanishini qo'llab-quvvatlash bo'yicha zaruriy chora-tadbirlarni ishlab chiqish va amalga oshirish muhimligini ko'rsatadi.

FOYDALANILGAN ADABIYOTLAR:

1. Oila psixologiyasi: Akad. litsey va kasb-hunar kollejlari o'quvchilari uchun o'quv qo'll. / G.B. Shoumarov, I.O. Haydarov, N.A. Sog'inov va boshq.; G.B. Shoumarovning tahriri ostida; O'zbekiston Respublikasi Oliy va o'rta-maxsus ta'lim vazirligi, O'rta maxsus, kasb-hunar ta'limi markazi. – T.: "Sharq", 2013. – 296 b.

2. Z.T.Nishanova, Sh.T.Alimbayeva, M.V.Sulaymanov "Psixologik xizmat" darslik, Toshkent - 2014.



3. Yadgarova G.T. Noto`liq oilalarning ijtimoiy-psixologik xususiyatlari: Dis.psixologiya fanlari sifatidagi. 19.00.05. - T.: 2004-yil.

4. Djalolovich, R. J. (2023). Nikoh-oila munosabatlari Shakllanishining ijtimoiy-psixologik xususiyatlari. Barqarorlik va yetakchi tadqiqotlar onlayn ilmiy Jurnal, 3(3), 473-477.